

The Human Rights Centre Uganda

Ekiteenso ky'Orukiiko rwabakuru b'amahanga ekya 53/44
(8 okwakashatu 1999)

Ekirangiriro ky'ekibiina ky'Amahanga Ageeteraine ahari abo abarikurwanirira obugabe bw'abantu

EKIRANGIRIRO AHABUGABE HAMWE
N'OBUJUNANIZIBWA OBW'ABANTU, EBIBIINA,
N'EBITONGORE BIGIRA, KUTUNGUURA
N'OKURINDA OBUGABE BW'ABANTU OBU
ENSI YOONA YAIKIRIZIINEHO

Runyankore
Rukiga



TROCAIRE
Working for a Just World

**Ekiteenso ky'Orukiiko rwabakuru b'amahanga ekya 53/44
(8 okwakashatu 1999)**

Ekirangiroro ky'ekibiina ky'Amahanga Ageeteraine ahari abo abarikurwanirira obugabe bw'abantu

**EKIRANGIRORO AHABUGABE HAMWE
N'OBJUNANIZIBWA OBW'ABANTU,
EBIBIINA, N'EBITONGORE BIGIRA,
KUTUNGUURA N'OKURINDA OBUGABE
BW'ABANTU OBU ENSI YOONA
YAIKIRIZIINEHO**

2009

Akatabo aka kakahandiikwa kuyamba abarikurwanirira obugabe bw'abantu.

Noikirizibwa kujuriza nari shi okweyambisa bimwe aha bihandiikiremu, baitu nootekwa kworeka ku wabiiha omu katabo aka hamwe n'abaakahandiikire.



Plot 3327 (A) Kateeba Close
Off Kironde Road, Muyenga
P. O. Box 25638, Kampala-Uganda
Telephone: +256 414 266186
E-mail: hrcug@hrcug.org
Website: www.hrcug.org



EBYABISO N' ABISO

Enkora egi ekatandikwa ekitongore kya Human Rights Centre Uganda n' obuhwezi bwa TROCAIRE abarikurwanirira obugabe bw' abantu kureta okumanya. Kimwe aha bintu ebirikuremeesa omurimo gw' abarikurwanirira obugabe bw' abantu n' obutagira ahokwiha amakuru n' arishi ebihandiko ebya kubeire ebya kuyambire omu kurinda obugabe bw' abantu n' okuyamba abariku burwanirira kuhurira bataine bwoba.

Ekyo nikyoo kareeteire, ekitongore kya Human Rights Centre, Uganda kuvunura ekirangiriro ky' amahanga agatereine aha barikurwanirira obugabe bw' abantu omu ndimi itano ezirimu Oruteso, Oruswahili, Oruganda, Orucholi n' Orurango, Orunyankore/ Rukiiga n' Orunyoro/Rutooro. Ekigyendererwa kikuru nokureeba ngu ekirangiriro eki kyahika abantu boona abari kurwanirira obugabe bw' abantu kandi enkozesa kani kyayongera ahaku kyetegyerereza nokukikoresa omukurwanira obugabe bw' abantu aha byaro.

Ekigyendererwa ky' ekirangiriro eki n' okuhereza abarikurwanirira obugabe bw' abantu amagyezi gw' okumanya obugabe bwabo kandi n' okumanya okubarikubasa kwerinda omu mirimo yabo.

Twine amatsiko ngu okuvunuura ekaringiriro eki nikiza kuteera abantu omuhimbo omu kurwanirira obugabe bw' abantu omuri Uganda.

The Human Rights Centre Uganda



Okutandika

Ebiro 9 by'okwaikumi na abiri omu mwaka gwa rukuuni rwenda kyenda na munaana(1998), oruteerano rw'amahanga agetereine bakatongoza ekirangiriro aha bugabe n'obujunaanizibwa bw'omuntu, abantu, ebigombe n'ebitongore by'obuteeka okuta amaani omukurinda obugabe n'obusingye bw'abantu oburikwikriizibwa omunsi yoona, ekibandiko ekirumanywa nk'ekirangiriro ky'abarikurinda obugabe bw'abantu.

Ekirangiriro tikiragiro. Kwonka kiine amateeka agarikushangwa omu ndeengo z'obugabe eziri omu bihandiko ebindi eby'ensi yoona ebirikukora nk'amateeka. Ag'amateeka nigaha amaani kandi nigarinda abarikurwanirira obugabe bw'abantu omu mirimo yabo.

Ekirangiriro nikihamiiriza obugabe obwine omugasho omu kurwanirira obugabe nk'okukora emikago, obugabe bw'okweteerana, obugabe bw'okugamba ebibari ahamitima, obugabe bw'okutunganga amakuru n'okumanyisibwa, kuyamba abantu abateine sente kutunga oburingaaniza, okuhaana ebiteekateeko bisya aha by'obugabe bw'abantu n' ebindi.

Omu myaka ikumi nagumwe, eki ekirangiriro eki n'ikimanywa kukye kandi n'enkoresa ninkye omu Uganda. Niketengyesa ngu ebirikushangwa



omu kirangiriro eki byorekwe abantu boona kandi kikoresibwe abahikire kukita omu nkora, nka, Gavumenti kandi n' abarinzi bw' obugabe, abarikubrwanirira.

Ekigyendererwa kya Human Rights Centre Uganda n' okuyamba abarikurwanirira obugabe bw' abantu kandi okuvunuura ekirangiriro kikajanjazibwa omuriabo boona abarikurwanirira obugabe bw' abantu ngu kiboorebeze emirimo yaabo.

Ekirangiriro eki omu rurimi oru kihikire kukozezebwa buryomwe omukurinda n' okuta amaani omu bikorwa by' abarikiurwanirira obugabe bw' abantu. Eki nikiifa kwongyera okwetegyereza n' okuteera omuhimbo abo boona abarikurwanirira obugabe bw' abantu omuri Uganda.



EKIRANGIRO AHABUGABE HAMWE N'OBJUNANIZIBWA OBW'ABANTU, EBIBIINA, N'EBITONGORE BIGIRA, KUTUNGUURA N'OKURINDA OBUGABE BW'ABANTU OBU ENSI YOONA YAIKIRIZIINEHO

*Ekiteenso ky'Orukiiko rwabakuru b'amahanga ekya
53/44 (8/3/1999)*

Orukiiko rwa bakuru b'amahanga,

Obwo niruhanya omugasho gw'okukuratira ebigyendererwa n'amateeka ebiri omu ndagaano y'Amahanga Ageteeraine ahabw'okutunguura n'okurinda obugabe bw'abantu boona omu nsi yoona,

Nirurugiirira ahari ebyo ebya'akakiiko k'ebyobugabe bw'abantu kaikiriziineho 3/4/1998, ebiri omu bihandiiko by'akakiiko k'ebyentaasya, hamwe n'emituurire y'abantu ebya 1998, obu akakiiko kahanya ekihandiiko ky'entandikiriro y'Ekirangiro ahabugabe hamwe n'objunanzibwa obw'abantu, ebibiina, n'ebitongore bigira, kutunguura n'okurinda obugabe bw'abantu obu ensi yoona yaikiriziineho,

Kandi nirurugiirira n'ahakiteenso 1998/33 eky'Orukiiko rw'ebyentaasya hamwe n'emituurire y'abantu, orwashutamire 30/7/1998 rukahinguza ngu rwohereze omu rukiiko rwa bakuru b'amahanga, ekihandiiko ky'entandikiriro y'Ekirangiro ahabugabe



hamwe n'objunanizibwa obw'abantu, ebibiina, n'ebitongore bigira, kutunguura n'okurinda obugabe bw'abantu obu ensi yoona yaikiriziineho, bakihamyeye, bakitongoze.

Obwo rutebirwe omugasho gw'okuhinguzwa ekihandiiko eki, na munonga obwahati nkoku ensi erikwijuka emyaka 50 kwiha Ekirangiriro ky'ensi yoona eky'ahabugabe bw'abantu kihinguzibwa,

1. Hati rwahamya Ekirangiriro ahabugabe hamwe n'objunanizibwa obw'abantu, ebibiina, n'ebitongore bigira, kutunguura n'okurinda obugabe bw'abantu obu ensi yoona yaikiriziineho (ekirikukurataho mu bwijwire aha muheru gw'ekihandiiko ky'ekiteenso eki);
2. Nirushaba za gavumenti, n'ebitongore eby'enkora y'Amahanga Ageteeraine, n'ebitongore eby'enkoragana ahagati ya zagavumenti, hamwe n'ebyo ebitari bya gavumenti, kwongyera amani omu kujaanjaaza ekirangiriro eki n'okureeba ngu ensi yoona yakyetegyereza kandi yakikurataha; kandi hoona nirushaba omuhandiiki muku w'ekibiina ky'Amahanga Ageteeraine, ngu ekirangiriro eki nakyo akyongyere omu kitabo ekibamu endagaano zoonza n'ebikwato ebi ensi zoonza zigyenderaho.

Orukiiko rw'omurundi gwa 85

9/12/1998



EKIRANGIRIRO AHABUGABE HAMWE N'OBJUNANIZIBWA OBW'ABANTU, EBIBIINA, N'EBITONGORE BIGIRA, KUTUNGUURA N'OKURINDA OBUGABE BW'ABANTU OBU ENSI YOONA YAIKIRIZIINEHO

Orukiiko rwa bakuru b'amahanga

Obwo nituhamya omugasho gw'okukuratira ebigyendererwa n'amateeka g'Amahanga Ageeteraine ahabwokutunguura n'okurinda obugabe bw'abantu boona omu mahanga goona ag'omunsi,

Obwo nitwongyera kuhamya omugasho gw'ekirangiriro ky'ensi yoona eky'ahabugabe bw'abantu; hamwe nekyahinguziibwe omu ndagaano z'ensi yoona aha bugabe bw'abantu; nk'emisingye y'obwekambi obw'amahanga gensi yoona gaataire omu kutunguura n'okuta ekitinisa omu bugabe bw'abantu, kandi hoona obariireho n'omugasho gw'ebikwato, n'endagaano ezindi zoonza ez'enkoragana y'amahanga ageeteraine hamwe n'ezebyanga byensi,

Kandi hoona nitukihamya ngu amahanga g'ensi yoona nigaragirwa kuhikiiriza, bur'ihanga ahabwaryo nari shi gakwataniise, obujunanizibwa bwago bw'okutunguura n'okuta ekitinisa omu bugabe bwa buri ibara muntu weena, hatariho okushoroora kwona, nobu kwakuba omu raangi n'enganda, omu



mahanga n'endimi, omu madiini n'enyikiriza, omu buzaarwa, omu by'obutegyeki, omu by'obugaiga, nari shi ahakuba nabakazi ninga nabashaija, hamwe n'ebindi nk'ebyo; kandi nitwongyera tuhanya omugasho gw'okukwatanisa kw'amahanga omu kuhikiiriza obujunanizibwa obu nk'oku endagaano y'Amahanga Ageeteraine erikuragiira,

Nitwikiriza omugasho oguri omu kukwatanisa kw'amahanga, otaireho n'omurimo gw'amaani ogw'abantu, ebibiina n'ebitongore birikukora, obwo nibarwanisa okurubatiirirwa kw'obugabe bw'abantu, obariiremu n'okwo okuhikibwa ahabantu nyawingi, nk'okwabakubuuzi baaretsire, okushoororwa ahabw'enganda, amahanga, eraangi, otaireho n'ensi kuhambwa, abanyansi batyo bakaihwaho obugabe bw'okwetegyeka, hamwe n'abakubuuzi kwanga kwikiriza ngu abanyasi baine obugabe bwokweshariramu okubarikwenda kutwara ensi zaabo omu maisho n'okweshariramu ahabikwatiraine n'eitungo hamwe n'obuhangwa bwensi zaabo.

Nitwikiriza ngu obusingye ahagati y'amahanga g'ensi goona, okwerinda hamwe n'okushemererwa omu bugabe bw'abantu biine akakwate kamaani, kandi hoono nitukimanya ngu nobu hakubaho obutabanguko omu busingye bw'ensi, tikirikumanyisa ngu obugabe baburekye buribatiirirwe,



Nitwongyera kukihamisiriza ngu obugabe bw'abantu n'obwa buri ibara muntu weena omu nsi, tibukataanisibwamu, tibukabaganisibwamu, nibukorera hamwe ahabwokuba bwona bwine akakwate, kandi hoona bushemereire kutunguurwa, bukariindwa omu buringaaniza hatariho okukitwara ngu hariho obugabe bw'abantu obumwe oburikukiraho obundi,

Nitukihanya ngu obujunanizibwa oburikukirayo, hamwe n'omurimo gw'amaani ogw'okutunguura n'okurinda obugabe bw'abantu ku n'eb'y'eihanga,

Nitumanya obugabe n'obujunanizibwa bw'abantu, ebiibiina n'ebitongore biine, omu kutunguura okuta ekitiinisa omu bugabe bw'abantu hamwe n'okurectaho okumanya ebikwairaine n'obwo bugabe, aha rurengo rw'eihanga hamwe nan'omunsi yoona.

Niturangirira tuti:

Akashonshoreki namba 1

Ibara muntu weena aine obugabe, ahabwe wenka nari shi n'abandi, okutunguura hamwe n'okurwanirira obugabe bw'abantu okureeba ngu bwahikiirira, aha rurengo rw'eihanga hamwe nan'omunsi yoona.

Akashonshoreki namba 2

1. Buri ihanga riine obujunanizibwa bw'amaani kurinda n'okutuunguura obugabe bw'abantu bwona, hamwe n'okureeba ngu bwahikiirira, obwo otaireho nokuta omu nkora byona ebirikwetaagisa omu by'entaasya, omu byentuura



y'abantu, n'omuby'obutegyeki, hamwe n'okutaho amateeka kureeba ngu tibwaribatiirirwa, kandi ngu buri ibara muntu ahabwe wenka nari shi n'abandi nibabushemererwamu.

2. Buri ihanga niriteekwa kutaho kyona ekirikubatsika nk'omu mateeka n'ebiragiro nari shi ebindi byona, okureeba ngu obugabe bw'abantu oburikugambwaho omu kirangiriro eki bwateebwa omu nkora, bwahikiirira.

Akashonshoreki namba 3

Ebiragiro by'eihanga ebirikukuratira endagaano y'Amahanga Ageeteraine, hamwe n'obujunanizibwa bwona obu eihanga riine aha rurengo rw'ensi yoona omu bikwatiraine n'obugabe bw'abantu, nibyo eihanga rishemereire kugyenderaho omu kuhikiiriza obugabe bw'abantu. Kandi hoonna nibyo bimwe ebi eihanga rishemereire kugyenderaho omu bikorwa byona eby'okuhikiiriza obugabe bw'abantu nkoku biri omu kirangiriro eki.

Akashonshoreki namba 4

Tihariho kintu kyona omu kirangiriro eki ekirarebukye nk'ekirikuremesa nari shi okuhakanisa ebigyendererwa n'ebiragiro ebiri omu ngadaano y'Amahanga Ageeteraine ninga shi okutaana ahari ebyo ebiri omu kirangiriro ky'ensi yoona eky'ahabugabe bw'abantu, hamwe n'ebyahinguziibwe omu ndagaano ezindi ez'ensi yoona ezirikukwata aha bugabe bw'abantu.



Akashonshoreki namba 5

Ahabwokwenda kutunguura nokurinda obugabe bw'abantu, buri omwe aine obugabe ahabwe wenka nari shi akwataniise n'abandi, aha rurengo rw'eihanga n'ensi yoona:

- a) Okubugana omu ruteerane omu busingye
- b) Okutandikaho, nari shi okwegaita aha bitongore bitari bya gavumenti nari shi ebibiina
- c) Okugira akakwate n'okuhurizana n'ebitongore bitari bya gavumenti nari shi ebya za gavumenti ezikwataniise

Akashonshoreki namba 6

Buri omwe aine obugabe ahabwe wenka nari shi akwataniise n'abandi:

- a) Kumanya, kusherura, kubona, kutunga, nokugira okumanyisibwa ahari ebyo byona ebikwatiraine n'obugabe bw'abantu, obariiremu n'okumanya nkoku amateeka g'ensi, n'ebiragiyo bita omu nkora obugabe obwo.
- b) Kujanjaaza, kwegyesa, nokugunjuura abandi hatariho orikumuhinda, ahabikwatiraine n'obugabe bw'abantu bwona nkoku endagaano n'amateeka g'ensi aha bugabe bwabantu garikuragiira.
- c) Kushwijuma, kutensa, kuteekyereza n'okweshariramu we ekyarikuteekateeka ahabikwatiraine n'oku obugabe bw'abantu burikuteebwa omu nkora, omu mateeka



n'omubikorwa, kandi aine n'obugabe bw'okureeta enshonga nk'ezi omu rwaatu abantu bakazishwijuma.

Akashonshoreki namba 7

Buri omwe aine obugabe ahabwe wenka nari shi akwataniise n'abandi, kuteekyereza kandi akanjura enkora nari shi emitwarize misya ahabw'okutunguura obugabe bw'abantu, kandi hoona aine obugabe kugigambiriria ngu obundi ekaija eikirizibwa.

Akashonshoreki namba 8

1. Buri omwe aine obugabe ahabwe wenka nari shi akwataniise n'abandi, kwetaba omu gavumenti y'ensi ye, nan'omushonga z'eihanga hatariho okumushoroora.
2. Eki nooba obariiremu obugabe ahabwe wenka nari shi akwataniise nabandi, okuhayo omu bitongore n'obukiiko bya gavumenti ebirikukora aha nshonga z'eihanga, okuhakanisa kwe n'okuteensa kwe nk'oku byakubaasa kwekamba omu mikorere yabyo, kandi hoona otaireho n'obugabe bw'okushonga akakumu aha kantu koono omu mirimo yabyo akarikubaasa kuhinda nari kuremesa okutunguura, okurinda, n'okuta omu nkora obugabe bw'abantu.

Akashonshoreki namba 9

1. Omu kuta omu nkora obugabe bw'abantu, obariiremu okubutunguura n'okuburinda, nkoku kihandiikirwe omu kirangiro eki, buri



omwe aine obugabe ahabwe wenka nari shi akwataniise n'abandi, kwirukirirwa, akahwerwa, kandi akariindwa obugabe bwe bwaheza kuribatiirirwa.

2. Nahabwekyo, buri omwe arikuteekyereza ngu obugabe bwe nk'omuntu bwaribatiirirwa aine obugabe we wenka nari shi omujwekyerwa we kutwaraokwetomboitakweomub'obushoboorozi, kandi kukahurirwa omu rwatu omu zakooti ezitairweho omu mateeka kandi ezishemereire kuba zikuguukire, zirikwemariirira, zitarikugwera rubaju. Kandi hoonu buri muntu owatwara okwetomboita kwe omu b'obushoboorozi aine obugabe bw'okutungu ensharamu ya kooti egyendeire aha mateeka, erikumwihura obugabe bwe bwaba bwaribatiriirwe, omwo obariiremu n'okumukaita nari shi okumushumbuusa kandi n'okureeba ngu ebi byakorwa omu bwire hatariho okukyerereza.
3. Kandi hoonu buri omwe aine obugabe ahabwe wenka nari shi akwataniise n'abandi:
 - a) Okwetomboita aha mitwarize n'ebikorwa by'abakozi ba gavumenti n'ebitongore byayo omu kuribatiirira obugabe bw'abantu; nokweteerera omuranga narishi okutabaariza omu b'obushoboorozi otairamu na za kooti ezitairweho omu mateeka g'eihanga, ezishemereire kusharamu omu bwangu hatariho okwekurura.



- b) Okuza omu za kooti kuhurira oku emanja zirikusharwa nari shi ahu enshonga zirikuhurirwa omu rwatu, okeeshariramu yaaba omu kumara enshonga ezo amateeka g'eihanga hamwe nag'ensi yoona agu eihanga ryataireho omukono gaakuraturwa.
- c) Okwehayo kuha amagyezi g'ekikugu omu by'amateeka nari shi obuhabuzi n'obuyambi obundi bwona ahabw'okurwanirira obugabe bw'abantu.
4. Nkoku ebiragiyo, ebikwato, n'entwaza y'ensi yoona oku birikuragiira, buri omwe aine obugabe ahabwe wenka nari shi akwataniise n'abandi, okuhurizana n'okwirukira omu bitongore hamwe n'obukiiko eby'aharurengo rw'ensi yoona, ebiine obukugu n'obushoboorozi kwakiira, kujwijuma n'okumara enshonga ezikwatiraine n'obugabe bw'abantu.
5. Eihanga niriteekwa kucondooza ahonaaho kandi hatariho okugwera orubaju, nari shi niriteekwa kureeba ngu haabaho okubuurriza, kyabaho ngu obugabe bw'abantu haine nk'okuburikubaasa kuba bwaribatiirirwa, omu kicweka kyona eky'omwihanga eryo.

Akashonshoreki namba 10

Tihariho muntu n'omwe orayetabe omu kurubatiirira obugabe bw'abantu, yaaba omu byarikukora nari shi ebyatarikukora, kandi hoona tihariho muntu



n'omwe oraahebwe ekifubiro ky'omuringo gwona ahabw'okwanga kurubatiirira obugabe bw'abantu.

Akashonshoreki namba 11

Buri omwe aine obugabe ahabwe wenka nari shi akwataniise nabandi, kukora emirimo ye eyi yashomereire nari shi yoona eyarikukora. Buri muntu weena owu omurimo gwe gurikubaasa kugira oku gwakwata kubi abantu hamwe n'obugabe bwabo, ashemereire kuta ekitiinisa omu bugabe bw'abantu hamwe n'okukuratira ebiragiyo n'entwaza ebyaikiriziinweho amahanga, n'ensi yoona aha ntwaza nungi aha mirimo.

Akashonshoreki namba 12

1. Buri omwe aine obugabe ahabwe wenka nari shi akwataniise n'abandi, okwetaba omu bikorwa eby'omubusingye, ebirikurwanisa okurubatiirwa kw'obugabe bw'abantu.
2. Eihanga niriteekwa kukora buri kimwe ekirikubaasika kureeba ngu buri omwe ahabwe wenka nari shi akwataniise nabandi, yarindwa ab'obushoboorozi ngu atakahutaazibwa, akatiinatiinisibwa, akahoorerwa enzigu, akashoororwa, nari shi akahikibwaho akabi koonna ahabw'emirimo ye ey'okurwanirira obugabe bw'abantu nk'oku ehandiikirwe omu kirangiririo eki.
3. Nahabwekyo, buri omwe aine obugabe ahabwe wenka nari shi akwataniise n'abandi kurindwa



omu bwijwire, omu mateeka g'eihanga, yaaba naahakanisa, omu busingye atarikureetaho obutabanguko, ebyo ebikorwa by'abeebembezi n'abakozi b'eihanga, narishi ebi baabura kukora, byona bikareetaho okuribatiirira obugabe bw'abantu; kandi hoona omwo obariiremu n'ebikorwa by'ebibiina nari shi abantu nyabuntu eby'embaare n'okurwana ebirikuhinda abantu kushemererwa omu bugabe bwabo.

Akashonshoreki namba 13

Buri omwe aine obugabe ahabwe wenka nari shi akwataniise n'abandi okusherura, kutunga, n'okukozesa ebirikuba nibyetaagwa kureeba ngu omurimo gw'okurwanirira n'okutuunguura obugabe bw'abantu gwakorwa omu busingye, nkoku akashonshoreki namba 3 ak'ekirangiro eki karikugamba.

Akashonshoreki namba 14

1. Eihanga riine obujunanizibwa bw'okukora buri kimwe ekishemereire omu mateeka, ebiragi, hamwe n'obwebembezi, okureeba ngu abantu boona omwihanga bayetegyereza obugabe bwaabo obukwatiraine n'ebyeihanga, obutegyeki, eby'entaasya, emituurire y'abantu hamwe n'emitwarize y'obuzaarwa.
2. Bimwe omuri ebyo ni nka:
 - a) Okuteera omu kyapa nan'okujaanjaaza omu bantu ebiragi by'eihanga n'amateeka



hamwe n'ago ag'aharurengo rw'ensi yoona ag'eihanga ryataireho omukono.

- b) Okureeba ngu abantu baagira ebihandiiko byona ebirikukwata aha bugabe bw'abantu aha rurengo rw'ensi yoona, obwo obariiremu na za ripoota z'eihanga ririkukora aha bugabe bw'abantu oku bwemereire, rikatwara omubukiiko obwateirweho endagaano z'ensi yoona aha bugabe bw'abantu ezi eihanga eryo ryateireho omukono.
- c) Eihanga nirateekwa kureeba ngu ryayamba ahu kirikwetaagisa omu kuteekaho nan'okubangira obukiiko bw'eihanga obundi obwetongoire, obwa buri muringo, obw'okutunguura n'okurinda obugabe bw'abantu.

Akashonshoreki namba 15

Eihanga riine obujunanizibwa bw'okutunguura n'okutaho enkora kureeba ngu obugabe bw'abantu bwayegyesibwa omu mashomero aha ndeengo zoon, kandi hamwe n'okureeba ngu abarikutendeka ba puliida, abaisherukare abarikuriinda ebiragi, abamahe hamwe n'abakozi ba gavumenti, baatamu eby'obugabe bw'abantu omuri ebyo ebi barikubegyesa.

Akashonshoreki namba 16

Abantu ahabwabo nk'abantu, ebitongore bitari bya gavumenti, n'ebindi ebitongore ebikirikukwataho



biine omugasho muhango kureeba ngu abantu baamanya byona ebikwatiraine n'obugabe bw'abantu, obwo nibirabira omu kwegyesa, okutendeka, n'okucondooza aha bugabe, kandi bigyendereire kuta amaani omu nyetegyerezana, obusingye hamwe n'emikago ahagati y'amahanga, engaanda n'amadiini, obwo biteebirwe obukomooko bw'emiringo mingi obw'abantu abo abubirikukoreramu emirimo yaabyo.

Akashonshoreki namba 17

Omu kuta omu nkora obugabe oburi omu kirangiriro eki, buri omwe ahabwe wenka nari shi akwataniise n'abandi, aine kuhindwa ebyo byonka ebyahandiikirwe omu mateeka ag'ensi yoona agu eihanga ry'ataireho omukono; kandi hoona ebyo bishemereire kuba byatairwe omu mateeka ahabw'okureeba ngu obugabe bw'abandi bwarindwa, tibwaribatiirirwa, kandi n'obuteeka omu bantu, emicwe, n'anobugwagye bwabo byarindwa.

Akashonshoreki namba 18

1. Buri omwe aine obujunaanizibwa ahaari, n'omubantu abaarimu, ahi arikubaasa kwetunguura, akashajuka ataine kirikumuhinda.
2. Abantu ahabwabo nk'abantu, ebibiina, n'ebitongore bitari bya gavumenti, biine omurimo muhango, n'obujunaanizibwa omu kurinda entegyeka ya gavumenti y'abantu, okutunguura



obugabe bw'abantu, hamwe n'okureeba ngu ebyo byona ebirikuretaho entegyeka ya gavumenti y'abantu byabangirwa kandi byatungurwa.

3. Kandi hoona abantu ahabwabo nk'abantu, ebibiina, n'ebitongore bitari bya gavumenti, biine omurimo muhango n'obujunaanizibwa kuyamba nk'oku kishemereire, kutunguura obugabe bwa buri omwe okuba omu ntuura nungi nangwa n'aha rurengo rwensi yoona, erikuhikiiriza omu bwijwire obugabe bw'abantu nk'oku bwahandiikirwe omukirangiriro ky'ensi yoona eky'ahabugabe bw'abantu hamwe n'endagaano ezindi zoonza ezikwatiraine n'obugabe bw'abantu.

Akashonshoreki namba 19

Tihariho kintu kyona omu kirangiriro eki ekiratwarwe ngu nikimanyisa ngu omuntu, ekibiina, ekitongore, nari shi eihanga biine obugabe bw'okukora ebikorwa ebirikurubatiirira obugabe obu ekirangiriro eki kirikugambaho.

Akashonshoreki namba 20

Tihariho kintu kyona omu kirangiriro eki ekiratwarwe ngu nikimanyisa ngu amahanga nigaikirizibwa kushagika kandi gakatunguura ebikorwa by'abantu, ebibiina n'ebitongore bitari bya gavumenti, ebitarikungyendera ahari ebyo ebiri omu ndagaano y'Amahanga Ageteeraine.